





宋元至正率間印本也國初通志堂重刻  
即仿此本第一卷內原缺五六兩葉故通  
志堂刻本亦缺余於壬申之春得諸書  
肆中數百年舊本可寶也

約魚沈祥龍識

古者帝王垂衣而化未嘗不致意  
於宜民之事切治厯象察珠衡  
同外度禮樂刑政之必脩風土貢  
賦之必定讀其書於千百載之下  
者不先攷乎此其何以識帝王之  
治哉昭武存齋黃氏所著尚書  
通考於帝王傳授則究其心法



於諸儒授受則究其家法曆象  
則攷其辰次中星閏餘歲差者  
焉璣衡則攷其北極出入七政  
行爲律度則攷其象尺作氣  
生後夏者爲類禮服器巡守  
就定則於禮樂刑政有所攷矣  
賦繪立甸夫井田則攷形風土  
貢賦者有所攷

矣若範疇名圭表若廟制若爵土  
之類莫不著之以圖辨之以說  
上推四代下及漢晉唐宋因革  
異同如指之掌使孔蔡漢生不  
易其言心經世之書每詳於制  
度而治平之學必先於格知黃  
氏之書以是非治平之要歟  
昔人謂書以道政事蓋政事



於心而見之行事者也考其事而  
得其心者方之美未有不攷其事  
而能得其心者君子於此觸類而長  
之使衆物之表裏精麤無不列於  
心之全體大用無不明而帝王精一  
執中之旨在此矣皆至正丁亥冬  
十月達安雷 舟子樞父序

兩書通考叙意

書載二帝三王之政政者心與事之所形也是故道  
德仁聖統乎心制作名物達於事內外之道合而帝  
事者儀章器物因革無存故求帝王之心易而考帝  
王之事難矧後儒稽古不過以周爲據而秦人滅學  
周典亦多殘缺廼欲以不完之文以徵古之舊斯  
益難矣然昔者紫陽夫子之教必語學者以有業次  
如所謂堯舜典曆象日月星辰律度量衡五禮五樂  
禹貢山川洪範九疇之類須一一理會令透蓋讀書  
窮理即器會道乃學者之當務也余方授兒輩以書  
間或有問不容立答則取關涉考究者會萃抄撮或



不可言曉者規畫為圖以示之至眾家之說有所不通則間述臆見以附于下如舊圖舊說已備者不復贅出其有未盡則隨條辨析焉歲月積累寔成卷帙兒輩乃請次其顛末以便考尋名曰尚書通考竊謂學有本末道無精粗禮樂官名聖人諸問則讀是經者安得不求其故哉方將就正於博洽君子然後退授于家俾為格致之助亦庶乎紫陽夫子之教云耳時天曆三年歲名上章敦牂月旅太簇日得壬子後學昭武黃鎮成謹識

尚書通考目錄

卷之一

諸儒家法傳授之圖

百篇書目

伏生今文尚書

孔氏古文尚書

尚書名義

壁藏異記

許氏書紀年圖

虞書

帝王傳授心法圖

若稽古

堯典大學宗祖圖

九族

羲和世掌圖

曆象日月星辰

朱子日月順天左旋圖

日月麗天之圖

經星列宿名數圖

緯星圖

十二次舍圖

周天十二次日月所會圖



東坡辰次分野圖

中星運候

月令中星圖

卷之二

歲差法

其三百有六旬有六日以閏月定四時成歲

史記曆書大小餘解

古今曆法

卷之三

在璿璣玉衡以齊七政

璿璣渾儀圖

歷代渾儀

肆類于上帝

經于六宗

輯五瑞

巡守

律

四仲圖

中星圖

辰建交野圖

班志隔八相生圖

律管應月候氣圖

律管長短忽微圖

十二律還相為宮

變宮變徵

京房六十律法

律法相生損益之

卷之四

蔡西山黃鐘生十一律解

十二律管相生圖

變律

律生五聲

變聲

歷代樂名

度

周尺圖說

量

衡

卷之五

五禮

五玉三帛二生一死贄



如五器

五載巡守

封山濬川

五刑圖

四罪

二十有八載帝乃殂落

咨二十二人

世系

五品

五教

五刑有服

五流有化

庭讓臣名

聲依永律和聲

八音

徽庸在位陟方

六府三事圖

帝王道統傳授圖

干羽

四載

九川距海畎澮距川

百畝為夫圖

九夫為井圖

四丘為甸圖

同閭才濟圖

觀象作服

侯以明之

卷之六

弼成五服

九成樂器

通志八音

朱子琴律圖說

卷之七

禹敷土隨山刊木

九州水土圖

九州山川貢賦圖

卷之八

通志地理畧

禹貢五服圖

卷之九

七世之廟

儀禮寢廟辨名圖



諸侯五廟圖  
劉歆廟制圖  
生明圖

諸儒廟制圖  
生明生魄望臚  
生魄圖

卷之十

九疇之綱

九疇之目

日月冬夏

召誥土中

祖桓圭表圖

祖桓五表圖

洛誥大室

列爵分土

田制賦乘圖

無逸圖

周官圖

六年五服一朝

周禮六服朝貢圖

顧命圖

尚書通考目錄

尚書通考卷之一

昭武存齋黃鎮成

元鎮成

諸儒家法傳授之圖

今文尚書

夏侯都尉

族子始昌

族子勝

已上為大夏侯之學

從子建

夏侯之學

秦時博

士名勝

濟南人

張生

千乘人

兒寬

千乘人

歐陽高

生之

三四千皆寫以

伏生

發壁藏

張生

歐陽生

字和伯

歐陽高

曾孫 歐陽之學

漢世文字為

書得二

十九篇

晁錯

大常掌故詔

劉向

伏生本傳是

永嘉之亂

晁錯

伏生本傳是

伏生本傳是

伏生本傳是

伏生本傳是

伏生本傳是

伏生本傳是

晁錯

伏生本傳是

伏生本傳是

伏生本傳是

伏生本傳是

伏生本傳是



古文尚書

定孔壁所出可知者二十五篇又復出伏生所合者五篇并序一篇合二十八篇

孔安國

都尉朝

膠東庸生

杜林

賈逵

已上皆謂古文之學

晉鄭冲

以古文授

蘇愉

梁柳

臧曹

皇甫謐

梅賾

鄭玄

馬融

姚方興

東晉豫章內史得孔傳古文奏上其書

後漢扶風人傳古文

傳

武以於大

孔壁書出安國以隸書存古文故謂之古文尚書蓋古文者科斗之書也  
隋開皇三年求遺書得舜典五十八篇方備  
唐天寶三載詔衛衡改方文從今文

百篇書目

伏生今文尚書凡二十八篇

堯典

皋陶謨

禹貢

皋誓

湯誓

盤庚

高宗彤日

西伯戡黎

微子

牧誓

洪範

金縢

大誥

康誥

酒誥

梓材

召誥

洛誥

多方

多士

立政

無逸

君奭

顧命

呂刑

文侯之命

費誓

秦誓

右伏生所授者漢武時又入偽秦誓一篇為二十九篇

安國古文尚書增多伏生二十五篇

大禹謨

五子之歌

胤征

仲虺之誥

湯誥

伊訓

六甲二篇

咸有一德

說命二篇

泰誓二篇



武成

旅獒

微子之命

蔡仲之命

周官

君陳

畢命

君牙

冏命

安國復出尚書凡五篇

舜典

益稷

盤庚

康王之誥

顧命

右今古文通五十八篇又百篇之序一篇即今所行五十八篇而以序冠篇首者也

逸書

汨作

九共九篇

彙飲

帝告

釐沃

湯征

汝鳩

汝方

夏社

疑至

臣扈

典寶

明居

肆命

祖后

沃丁

咸乂四篇

伊陟

原命

仲丁

河亶甲

祖乙

高宗之誥

分器

旅巢命

歸禾

嘉禾

成王政

將蒲姑

賄肅慎之命

亳姑

右四十二篇書亡即書序謂其餘錯亂磨滅非可復知者也

通前今古文合百篇之數

漢張霸偽書凡二十四篇

舜典

汨作

九共九篇

大禹謨

益稷

五子之歌

胤征

湯誥

咸有一德

典寶

伊訓

肆命

原命

武成

旅獒

冏命

張霸復出伏生書五篇

舜典

益稷

盤庚一篇

康王之誥

秦誓

右前漢諸儒不見孔傳張霸偽作二十四篇附伏生二十八



篇又復出五篇并秦誓一篇求合孔氏五十八篇四十二卷  
之數

伏生今文尚書

史記儒林傳孝文帝時欲求能治尚書者天下無有乃聞伏生  
能治欲召之是時伏生年九十餘老不能行於是乃詔太常  
堂故晁錯往受之秦時焚書伏生壁藏之其後兵大起流亡漢  
定伏生求其書亡數十篇獨得二十九篇即以教于齊魯之間  
學者由是能言尚書諸山東大師無不涉尚書以教矣伏生教  
濟南張生及歐陽生漢書曰字和歐陽教千乘兒寬兒寬既通  
尚書以文學應郡舉詣博士受業受業孔安國兒寬貧無資用  
常為弟子都養及時時問行傭賃以給衣食行常帶經止息則  
誦習之以試第次補廷尉史是時張湯方鄉學以為奏讞據以

古法議決疑大獄而愛幸實寬為人溫良有廉智自持而善著  
書書奏敏於文口不能發明也湯以為長者數稱譽之及湯為  
御史大夫以兒為掾薦之天下後位至御史大夫張生亦為博  
士而伏生孫以治尚書徵莫能明也自此之後魯周霸孔安國  
雒陽賈嘉頗能言尚書事孔氏有古文尚書而安國以今文讀  
之因以起其家逸書得十餘篇蓋尚書滋多於是矣起謂起發  
孔安國曰漢室龍興開設學校旁求儒雅以闡大猷濟南伏生  
年過九十失其本經口以傳授裁二十餘篇以其上古之書  
之尚書百篇之義世莫得聞

陸氏曰二十餘篇即馬鄭所註二十九篇是也孔穎達曰秦誓  
本非伏生所傳武帝之世始出而得行史因以入於伏生所傳  
之內蔡氏曰伏生之但有堯典皋陶謨禹貢甘誓湯誓盤庚高



宗彤曰西伯戡黎微子牧誓洪範金縢大誥康誥酒誥梓材召  
誥洛誥多方多士立政無逸君奭顧命呂刑文侯之命費誓秦  
誓凡二十八篇今加秦誓一篇故爲二十九篇

顏師古曰衛宏定古文尚書序伏生老不能正言言不可曉使  
其女傳錯齊又語多與潁州異錯所不知凡十二三畧以其心

屬讀而已

伏生齊人潁川人

史謂伏生壁藏而安國云失其本經口以傳授者蓋伏生初實  
壁內得之傳教既久誦文則熟至錯往受不執經而口授之耳

出潁川正義

朱子曰伏生不出其女口授有齊音不可曉以意屬成及子嬰  
引享多儀却與大誥無差只疑伏生偏記難者而反不記其易  
者然盤誥鬻誓牙自是書之本體典謨貢範同出於生而明白也

亮如彼則書之所以艱深者非齊音使然而世之所以疑生者  
皆非其實也

文帝求治尚書伏生老不能行使晁錯往受之其後有歐陽生  
大小夏侯勝建之徒皆學伏生書寫以漢世文字號今文尚書

### 孔安國古文尚書

孔安國曰魯共王壞孔子宅得壁中所藏古文虞夏商周之書  
科斗書廢已久時人無能知者以所聞伏生之書考論文義定  
其可知者爲隸古定增多伏生二十五篇復出伏生所合之篇  
并序凡五十九篇四十六卷

蔡氏曰二十五篇者謂大禹謨五子之歌胤征仲虺之誥湯誥  
伊訓太甲三篇咸有一德說命三篇泰誓三篇武成旅獒微子  
之命蔡仲之命周官君陳畢命君牙罔命凡二十五篇復出者



舜典益稷盤庚三篇康王之誥凡五篇又百篇之序自為一篇  
通伏生二十八篇共五十九篇即今所行五十八篇而以序冠  
篇首者也

四十六卷者孔疏以為同序者同卷異序者異卷太甲盤庚說  
命泰誓皆二篇共序凡四卷大禹臯陶謨益稷康誥酒誥梓材  
亦各三篇共序凡二卷外四十篇篇各有序凡四十卷又錯亂  
摩滅不可復知者凡四十二篇今亡

林少穎曰孔傳既成遭巫蠱不出漢儒聞孔氏之書有五十八  
篇遂以張霸之徒造偽書二十四篇為古文尚書兩漢儒者所  
傳大抵皆霸偽本也故杜預註左氏韋昭註國語趙岐註孟子  
皆指為逸書其實未嘗逸也劉歆當西漢之末欲立古文學官  
移書責諸博士甚力然歆之見皆偽本亦非真古文書也以至

賈馬鄭服之輩亦皆不見古文書至晉而後其書漸出及開皇

三年求遺書得舜典然後於書始大備蔡氏曰古文尚書

八字伏生以舜典合於堯典只以真徽五典以上接帝曰欽哉  
之下而無此二十八字然真徽五典以下則固具於伏生之書  
至齊姚方興得古文舜典於大航頭始知有此二十八字  
字或者由此興得古文舜典於一篇皆盡亡失蓋過論也孔氏書

始出皆用隸書至唐天寶三載詔衛宏改古文從今文書今之  
所傳乃唐天寶所定本也此古文指隸書  
非科斗古文也

孔壁之書安國定其可知者其文以隸書存古文故謂之古文  
尚書

隋經籍志書之所興蓋與文字俱起孔子觀書周室得四代之

典刪其善者自虞至周為百篇遭秦滅學至漢唯濟南伏生口

授二十八篇又河內女子得秦誓一篇獻之伏生作尚書傳以

授同郡張生張生授千乘歐陽生歐陽生授同郡兒寬寬授歐



陽生子世世傳之至曾孫歐陽高謂之尚書歐陽之學又有夏  
侯都尉受業於張生以授族子始昌始昌傳族子勝為大夏侯  
之學勝傳從子建別為小夏侯之學故有歐陽大小夏侯三家  
並立訖漢東京相傳不絕而歐陽最盛初漢得孔子末孫惠所  
藏之書字皆古文其泰誓與河內女所獻者不同安國合伏生  
書成五十八篇又為作傳巫蠱事起不得奏上私傳其書於都  
尉朝朝授膠東庸生謂之尚書古文之學而未得立後漢扶風  
杜林傳古文尚書同郡賈逵為之作訓馬融作傳鄭玄亦為之  
註然其所傳惟二十九篇又雜以今文非孔舊本自餘絕無師  
說晉世秘府所存有古文尚書經文今無有傳者及永嘉之亂  
歐陽大小夏侯尚書並亡濟南伏生之傳惟劉向父子所著五  
行傳是其本法而又多乖戾至東晉豫章內史梅賾始得安國

之傳奏之而又闕舜典一篇

按舜典伏生書已合卷  
典但闕二十八字耳

隋開皇初購求遺書有人言齊建武中吳姚方興於大桁市滅  
大得孔氏傳古文比馬鄭所注多二十八字於是始列國學  
梁陳所講有孔鄭二家齊代惟傳鄭義至隋孔鄭並行而鄭氏  
其微自餘所存無復師說又有尚書逸篇出於齊梁之間考其  
篇目似孔氏壁中書之殘缺者故附尚書之末

吳才老曰增多之書皆文從字順非若伏生之書詰屈聱牙夫  
四代之書作者不一乃至二人之手而定為一體其亦難言矣  
朱子曰按漢儒以伏生之書為今文而謂安國之書為古文以  
今文考之則今文多艱澁而古文反平易或有以為今文自伏  
生女子口授晁錯時失之則先秦古書所引之文皆已如此恐  
其未必然也或者以為記錄之實語難工而潤色之雅辭易好



故訓誥誓命有難易之不同此爲近之然伏主倍文暗誦乃偏  
符其所難而安國考定於科斗古書錯亂摩滅之餘反專得其  
所易此又不可曉者至於諸序之文或頗與經不合而安國之  
序又絕不類西京文字亦皆可疑獨諸序之本不先經則賴安  
國之序而可見

臨川吳氏曰漢藝文志尚書經二十九篇古經十六卷二十九  
篇者即伏生今文書二十八篇及武帝時增僞秦誓一篇也古  
經十六卷即張霸僞古文書二十四篇也漢儒所治不過伏生  
書及僞秦誓耳張霸古文雖在而辭義無鄙不足取重於世以  
售其欺及梅賾二十五篇之書出則凡傳記所引書語註家指  
爲逸書者收拾無遺既有證驗而其言率依於理比張霸僞書  
遠絕矣唐初諸儒從而爲之疏義自是漢世夏侯歐陽所傳二

十九篇者廢不復行惟比孔傳五十八篇孤行于世竊謂讀之  
伏氏書雖難盡通然辭義古奧其爲上古之書無疑梅賾所增  
二十五篇體制如出一手采集補綴雖無一字無所本而平緩  
卑弱殊不類先漢以前之文夫千年古書最後乃出而字畫略  
無脫誤文勢畧無齟齬不亦大可疑乎夫吳氏朱子之所疑者  
顧澄何敢質斯疑而斷斷然不敢信此二十五篇之爲古書則  
是非之心不可得而昧也故今以此二十五篇自爲卷表以別  
於伏氏之書而因及其所可疑非澄之私言也聞之先儒云何

### 尚書名義

孔安國曰以其上古之書謂之尚書王肅曰上所言下爲史所  
書曰尚書也孔穎達曰言愜羣心書而示法既書有法因號曰  
書後人見其久遠自於上世尚者上也言此上代以來之書故



曰尚書又曰孔氏繼在伏生之下先云以其則知尚字乃伏生所加也自伏生言之則於漢世仰遵前代自周以上皆是上書是本名尚是伏生所加故諸引直云書曰若有配代而言則曰夏書無言尚書者

夏氏曰此上代之書為後世所慕尚故曰尚書

壁藏異記

家語云孔騰字子襄畏秦法峻急藏尚書等於孔子舊堂壁中

漢記尹敏傳云孔鮒所藏

按孔子七世孫子順為魏相生鮒及騰鮒為陳涉博士騰為惠帝博士長沙太守至四世孫安國為武帝博士臨淮太守新安陳氏曰鮒騰兄弟藏書必同謀謂鮒藏亦可騰藏亦可也隋經籍志以為孔子末孫惠所藏之書宜以騰為惠帝博士鮒

愚按孔子定書為百篇遭秦滅學孔氏藏之壁中而伏生亦藏於壁漢興伏生先發所藏亡數十篇獨得二十八篇教子齊魯之間漢文帝使晁錯往受時傳習既久誦文已熟而伏生老不能正言使女子口授之至孝武帝得偽秦誓一篇於民間因合為一十九篇而歐陽大小夏侯之徒皆學之寫以漢世文字故謂之今文尚書及孔壁復出安國定其可知者多二十五篇本皆科斗文字而安國易以隸書故謂之古文尚書又復出伏生所合之篇五篇并百篇之序一篇凡三十一篇合伏生二十八篇為五十九篇四十六卷其餘錯亂摩滅不可復知悉送公官藏之秘府又承詔為五十九篇作傳以巫蠱事起藏之私家前漢諸儒知有五十八篇而不見孔傳遂有張霸偽作舜典及汨作等二十四篇及伏生二十



八篇又分出盤庚二篇康王之誥泰誓二篇共六篇爲五十八篇以附孔傳之數其賈逵作訓馬融作傳鄭玄註解皆非真古文故杜預註左傳韋昭註國語趙岐註孟子所引真古文書皆以爲逸書至東晉豫章內史梅賾始傳孔傳古文於臧曹遂奏上其書於是僞書及僞泰誓皆廢但闕舜典一篇然舜典本合於伏生之堯典固未嘗闕特少篇首二十八字至齊姚方興始得舜典於大航頭比馬鄭所註多二十八字馬鄭所註蓋伏生堯典非僞舜典也至隋開皇三年求遺書得舜典然後五十八篇方備然孔傳始出皆用隸書至唐天寶三載詔衛衡改古文從今文今之所傳者乃唐天寶所定本也夫經籍漶滅火殘缺書爲最甚其初伏氏所教者裁十之三鼎錯所受者止以其意屬讀則今文之傳固有不備厥後孔氏發壁中之

藏以不知科斗書而以伏生之書考論文義增多伏生之半則古文之傳又不能盡又况張霸僞妄漢魏諸儒已不識古文永嘉喪亂今文之學又絕尚書一經至是幾於息矣家藏數百載間乃至東晉而後孔氏之書始出其間混假真僞所不暇論至於更歷傳受稍論踵繆斷章錯簡周田豕亥諱匿一端且伏氏既有壁藏不以書授錯而以女子口授孔壁書既傳都尉朝馬鄭諸儒宜無不知乃俾僞書肆行欺罔是皆不能無疑者矣嗚呼書之不幸一失於壁中之糜滅再失於口傳之女子二失於平蠱之淪廢百篇之義既莫覩其大全幸存而可考者其喪失又如此世之學者乃欲強通其所不通斯亦難矣善乎朱夫子之言曰解其所可曉者而闕其所可疑者則誠讀書不易之良法也



許氏紀年圖許益之讀

帝堯百載

堯典前初年事禹貢亦禹貢首作亦虞時金先生

帝舜五十載

舜典前初年事大禹謨前初年事益稷自格汝禹

皋陶謨元載

右唐虞一百五  
載書六篇

夏禹八載又居喪二載

啓九載

甘誓二歲

太康二十九載

五子之歌十九歲

仲康十二載

胤征元歲

相二十八載少康六十一歲杼十七歲 槐二十六

歲 芒十八歲 泄十六歲 不降五十九歲 高二十一

歲 厘二十一歲 孔甲二十一歲 桀十一歲 發十九

歲 癸五十二歲

右夏十七君四百二十九載書二篇

商湯十二載祀即諸侯位十八歲

湯誓元祀

仲虺之誥

湯誥

太甲二十三祀

伊訓元祀

太甲上

太甲中三祀

太甲下

咸有一德



沃丁二十九祀 大庚二十五祀 小甲十七祀 雍己十

二祀 大戊七十五祀 仲丁十三祀 外壬十五祀 河

曾甲九祀 祖乙十九祀 祖辛十六祀 沃甲二十五祀

祖丁三十二祀 南庚二十五祀 陽甲七祀

盤庚二十八祀

盤庚上 元祀 盤庚中 盤庚下

小辛二十一祀 小乙二十八祀

武丁五十九祀

說命上 三祀 說命中 說命下

祖庚七祀

高宗彤日 三祀

祖甲三十二祀 廩辛六祀 庚丁二十一祀 武乙四祀

大丁三祀 帝乙三十七祀

紂辛三十二祀

西伯戡黎 三十一祀 微子 三十一祀

右商二十八君六百四十四祀書十七篇

周武王七年 即諸侯位十三年 而伐紂共十九年

泰誓 十三年一月 泰誓中 泰誓下

牧誓 二月 康誥 蔡氏謂此武王封康叔之書與酒

周書二月甲申俘虜 而以衛封康叔同監 梓材 金先生附成王 紀為作洛事

洪範 旅獒 十四年 武成 四月 金縢

成王三十七年

君奭 元年 大誥 二年 費誓



微子之命

立政 四年

多方 五年

馬官 六年

召誥 七年

多士

洛誥

蔡仲之命 八年

無逸 十一年

君陳

顧命 三十七年

康王二十六年

康王之誥 初即位 畢命 十二年

昭王五十一年

穆王五十五年

君子 二年

罔命

呂刑 五十年

共王十二年

懿王二十五年

孝王十五年

夷王十六年

厲王五十一年

宣王四十六年

幽王十一年

平王五十一年

文侯之命 元年

桓王二十三年

莊王十五年

僖王五年

惠王二十五年

襄王三十三年

秦誓 二十八年

右周歷十八君自武王滅商之年至襄王二十八年

共四百九十九年書三十二篇

並依蔡氏說譜入王紀其下注年者皆金

所生○自堯至襄王六十五君堯元年至襄二十八年

年歷年一千七百三十四而惟十八君之世有書以

亡書考之亦惟沃丁大戊仲丁河澶甲祖乙丑君之

世有書十篇耳自此二十三君之外其餘豈無出號

令紀政事之言蓋皆孔子所芟夷者緯書謂孔子求

帝魁之書迄于秦穆凡三千二百四十篇雖其言未



必實然有書者不止三十三君則明矣

虞書

孔穎達曰堯典雖曰唐事本以虞史所錄不言舜登庸由堯故追堯作典非唐史所錄故謂之虞書鄭玄云舜之美事在於堯時是也

堯禪舜然後有堯之書舜禪禹然後有舜之書其書皆出後世故堯典則曰虞書舜典而下當出夏時乃曰虞書非史氏之舊也孔子序正之也故大禹謨益稷皋陶見於左傳者皆曰夏書此史氏之舊也然孔子不正堯典曰唐書者堯舜二帝常相終始堯典載舜有鰥在下之言舜典載受終之事故因其舊曰虞書一因一革聖人無容心焉順乎自然而已

楊元系曰仲尼定堯典為虞書者原聖人授受之心杜百代篡

爭之亂以成堯之遜也堯之遜舜使舜之跡著於天下使舜之功被於天下堯舜無二也堯之民即舜之民堯之事即舜之事仲尼刪書移堯典為虞書者明非一人獨能與舜天下蓋堯之時天下已皆為虞矣則雖堯之事即舜之事也

蔡氏曰本虞史所作故曰虞書舜典以下夏史所作當曰夏書今云虞書或以為孔子所定

夏氏曰典謨皆謂之虞書者蓋三聖授受實守一道謂之唐書則可以該舜而不可以該禹謂之夏書則可以該舜不可以該堯惟曰虞書則見舜上承於堯下授於禹

愚按堯典雖言堯事而自疇咨以下實為禪舜張本况洪氏舜典本合於堯典史紀堯舜之行事以記禪讓之初終而三謨等篇亦舜時事所以均謂之虞書也



帝王傳授心法之圖

堯

舜

禹

湯

欽敬寅

欽恤  
溫恭允塞  
敬敷五教  
夙夜惟寅  
祇載齊慄

欽哉  
敬修可愿  
祇承于帝

懋敬  
立敬  
祇肅

中宗

文王

武王

成王

嚴恭  
寅畏

敬忌  
懿恭  
庸祇

敬典  
恭肅  
祇承

祇勤

愚按欽之一字為百為開卷第一義乃千萬世帝王心法源流自帝堯至於舜禹成湯文武其所相傳若合符節故凡曰

欽曰恭曰祇曰寅皆一意也數聖人者雖曰天縱生知而其存心制事未始須臾而不敬故曰敬者聖學之所以成始而成終者也

若稽古

山齋熊氏曰若稽古帝堯者蘇氏云史官之為此書也曰吾順考在昔而得其為人之大凡如此此說不然按堯舜之典禹臯之謨皆虞書也而皆稱若稽古夫以虞之史臣謂堯為古可也舜禹臯其時尚存亦謂之古可乎要之若稽古三字只當從先儒順考古道之說蓋聖人雖懷天縱之資然未嘗自用其私智每順考古道而行之如所謂唐虞稽古建官此百者即一端可知其他矣禹臯陶亦然故皆以若稽古稱之也



堯典大學宗祖之圖

格物

致知

誠意

正心

修身

以親九族一家

齊家

平章百姓畿內民庶

治國

協和萬邦天下侯國

平天下

九族既睦

家齊

百姓昭明

國治

黎民於變時雍

天下平

克明俊德

明明德

新民

止至善

西山真氏曰明俊德者修身之事親九族者齊家之事所謂身脩而家齊也九族既睦平章百姓所謂家齊而國治也百姓昭明協和萬邦黎民於變時雍所謂國治而天下平也夫五帝之治莫盛於堯而其本則自克明俊德始故大學以明明德為親民之端然則堯典者其大學之宗祖歟

九族

孔傳言九族自高祖至玄孫之親

夏侯歐陽言九族謂父族四母族三妻族二

父族四

本族一 姊妹之大家三

姊妹之大家二 女子之大家四

母族三

母之木族一 姨母之家三

母之木族二 妻族二

妻之木族一 妻之木族二

愚按孔傳言九族蔡氏從之喪服小記雖有以三為五以五

為九之文然亦以上殺下殺旁殺之服而言至於高玄之服

罕有身及之者書言九族既睦則是當時親被帝堯之德雖

以帝堯之壽亦無身及高玄之理故林少穎亦謂如此則只

是一族大抵當從夏侯歐陽之說為是况朱子亦嘗謂九族

以三族言較大然亦不必泥但所親者皆定則亦未嘗專主

孔說也



義少皞 和重 世重 掌該 圖麟

該金正 該金正 該金正 該金正 該金正

左昭二十九年曰少昊氏有子曰重顓頊氏有子曰犁

孔穎達曰異世重黎號同人別

孔氏曰重黎之後義氏和氏世掌天地四時之官

顓頊云楚語云少昊氏之衰九黎亂德人神雜擾不可方物顓

頊受之命南正重司天以屬神火正黎司地以屬民無相侵瀆

其後三苗復九黎之惡堯復育重黎之後使復典之以至于夏

商故呂刑傳云重即義也黎即和也義和雖別為氏族而出自

重黎故呂刑以重黎言之

朱子曰義和即四子或云義伯和伯共六人未必是也

晉象日月星辰敬授人時

朱子曰曆所以紀數之書象所以副既天之器日陽精月陰精星

二十八宿衆星為經金木水火土五星為緯辰謂日月所會分

周天之度為十二次

朱子日月





天左旋圖



天一晝夜過一度至此

行一晝夜後至此

一晝夜行不及日至此


朱子曰天無體只二十八宿便是體且如日月皆從角起天亦從角起日則一日一周依此體只在角上天則一周子又過角些子日日累上去則一年便與日會 又曰天行甚健故一日一夜一周而又進過一度日行速健次於天一日一夜周三百六十五度四分度之一正恰好被天進一度則日為退一度二日

天進二度則日為退一 積至三百六十五日四分日之一則天所進過之度恰好得本數日所退之度亦恰好退盡本數遂與天會而成一年月行進一日常不及天十三度十九分度之七積二十九日九百四十分日之四百九十九遂與日會而成一月 又曰曆家只算所退之度却云日行一度月行十三度有奇此乃截法故有日月五星左右行之說其實非右行也橫渠云天左旋處其中者順之少遲則反右矣此說最好

愚按曆家以日月五星皆右行由有曆以來其說皆如此矣且如日行黃道自南而北則為春為夏自北而南則為秋為冬出沒升降皆有自然之勢若左旋則自東而西日行一道道各不同不可以黃道名亦不可指言日在某宿其出沒之道冬則南漸進而北夏則北漸退而南為日馭者不亦煩矣切恐未然



日 月 麗 天 之 圖



以天 運日 月皆 從角 一度 起為 準

東漢志曆法曰天之動也一晝一夜而運過周星從天而西日  
 遠天而東在天成度在曆成日日月相推日舒月速當其同謂  
 之合朔舒先速後近一遠二謂之弦相與為衡分天之中謂之  
 望以速及舒光盡體伏謂之晦朔合離斗建移辰謂之月日  
 月之行則有冬有夏冬夏之間則有春有秋是故日行北陸謂  
 之冬西陸謂之春南陸謂之夏東陸謂之秋日有光道月有九  
 行九行出入而交生焉朔會望因鄰於所交虧薄生焉日有晦  
 朔星有合見月有弦望星有留異其歸一也步術生焉  
 陳懼齋曰月行嘗以二十七日止一十六分日之三十二二十七  
 而與天會二十九日九百四十分日之四百九十九而與日會  
 日一年與天一會月一年與天十二會與日十二會其與天會  
 者無所用故古今少道之日月每三十餘會而一閏兩閏之中



謂十五十六會也

愚按先君壽山翁必壽好曆數之學大德間嘗客山師得訂其說於太史氏曰晦翁因橫渠之說以天左旋而日過一度日亦左旋而適周天以爲曆家用截法故謂日月五星皆右行然考渾儀及黃道所經因以水造化之運乃知曆家之法爲定而二先生所見猶有遺論蓋天地之化陰陽消長皆有一定之常而莫之爲者稍不出於自然則非所以爲造化矣按漢志角天門房天衢昴天街井南門皆黃道之所經也若日左周則惟追天不及之度至此其餘日所周末嘗經此也如記謂日在斗在東井之類則惟天過日不及之時在此每日周二十八宿不得言在某在某矣又漢志言日行北陸謂之冬西陸謂之春南陸謂之夏東陸謂之秋若每晝夜行天

一周亦何得指云某陸矣且若天左旋每日繞地一周何故而又過一度日亦左旋每日一周何故而自冬至則南極牽牛以漸而升至夏至則北極東井又以漸而降若使日自左旋與天無與則日乃浮遊無定便至於牽牛東井之極處豈不能侵軼而行過其外何故南北兩間若爲物所隔闕獨常進退纏繞於四十八度之內而無所變易哉且若是則南北升降之間其出沒之道凡百八十二有奇每日各循一道而行何其疏密之限無少差失如此哉故古人作渾儀器立黃道爲日行之準斜倚於赤道之內外日道萬古但循黃道之軌每日右行一度隨天而左轉日退一日漸降而至於天體南端之極則循其左自然而復升漸升而至於天體北端之極則循其右自然而復降一升一降循環無已天則因日退



一度故每日必進一度然後日出地上而為一晝夜是為天  
過一度一晝二百六十五日四分日之一日行黃道一周  
至去歲所起之度天日進一度至是而亦一周是為與天一  
會皆造化神巧一定之勢不煩擬議安排而自然脗合也  
朱子嘗曰造化簡易易知而微妙難窮最為的論蓋惟其簡  
易也止是黃道一斜若使日循赤道則無復四時之別矣惟  
其微妙也日一升則陽生而為燠為暑一降則陰生而為涼  
為寒晝夜短長翕張消息萬物生成之不已往來過續之不  
停是皆日行升降之候也或曰日不侵軼於南北豈不侵軼  
於黃道之外乎蓋左旋則日移一道本無繫著右行則惟循  
一軌自不差忒然時少有盈縮則有之矣或又謂朱子以日  
行晝夜恰足周天之度以為二分日依赤道則可若二至則

天體漸狹而度數不滿矣此未足以破前說蓋南北之極與  
赤道天經晝夜皆一周特中間而疾兩端狹而遲勢自然耳  
譬輪之有輻蓋之有弓豈外有餘而中不足哉若夫九行之  
交五緯之次苟求其故皆可以因是而得之矣

經星列宿名數圖

見晉志考史記天官書及見鄭氏通志

二十八舍度最多者莫如東井三十三度其次莫如南斗三十一度  
通度最少者莫如觜觿二度其次莫如輿鬼一度  
通

志二十六度 通

角二星為天關其間天門其內天庭黃道經其中七曜之所

行左角為天田主刑右角為將主兵通志角二星十

元四星天子之內庭也四星九度

區四星天子之宿宮四星十六度似斗側

量米 今十五度



房四星為明堂天子布政之宮也亦四輔也又為四表中間

為天衢為天淵黃道之所經也南間曰陽間北間曰陰間

七曜由乎天衢則天下和平亦曰天駟為天馬主車駕亦

曰天廐又主開閉為蓄藏又北小星為鈎鈴房之鈎鍵天

之管籥明而近房天下同心四星六度似房之戶所以防淫佚也今五度

心三星天王正位也中星曰明堂天子位為大辰主天下之

賞罰前星為太子後星為庶子三星二八度今五度

尾九星後宮之場亦為九子色欲均明小犬相承則後宮有

叙九星十九度如鈎鈞蒼龍尾今十八度

箕四星亦后妃之府主八風凡日月宿在箕東壁翼軫者風

起箕四星一十一度形如簸箕

南斗六星天廟也丞相太宰之位主褒進賢士又主兵六星

五度狀似北斗今二十六度

牽牛六星天之關梁主犧牲事上八星七要今八度上有兩角腹下欠一脚

須女四星天少府也主布帛四星十一度如箕今十一度

虛二星冢宰之臣也主北方邑居廟堂祭祀祝禱事二星九度少強

如連珠今十一度四分之二

危三星主天府二星十六度今十七度

營室二星天子之官也為主功事二星十七度今十六度史記註營室十星

東壁二星主文章天下圖書之秘府二星九度

奎十六星天之武庫也主以兵禁暴十六星十六度腰細頭尖形如破鞋

婁三星主苑牧犧牲供給郊祀三星十一度三頭星不勻近

胃三星天之厨藏主倉廩五穀府也三星十五度今十四度

昂七星天之目也主西方又為旄頭胡星也昂畢間為天街



黃道

七星十度

畢八星主邊兵弋獵月入畢多雨

八星十七度似瓜

觜觿三星為二軍之候

三星一度在參右角如鼎足形

參十星白獸之體中三星主將

十星十度

東井八星天之南門黃道所經主水衡

八星二二度

輿鬼五星天目也主視胡察奸謀

鬼四星二度方似木櫃今四度

柳八星天之厨宰

八星十四度曲頭形垂柳今十五度

星七星主衣裳文繡

七星七度如今六度

張六星主珍寶而又主天厨

六星十七度似今十八度

翼二十二星天之樂府主夷狄遠客

二十二星十九度今十八度

軫四星亦主冢宰輔臣

四星十七度似張近翼

漢天文志經星常宿中外官凡百一十八名積數七百八十

三、星皆有州國官宮物類之象其伏見蚤晚邪正存亡虛實隨

及五星所行合散犯守陵歷關食彗孛飛流日月薄食彗道

背穴抱珥垂蜺迅雷風祲怪雲變氣此皆陰陽之精其本在地

而上發于天者也

史記正義曰晉太史令陳卓摠甘石巫咸三家所著星圖大凡

二百八十三宮一千四百六十四星以為定紀

緯星圖

木歲星太歲在四仲則歲行三宿在四孟四季則歲行二宿

孟季二八一十六四仲三四一十二而行一十八宿十二

歲而一周天也

火熒惑常以十月入太微受制而出行列宿司無道其出入

無常也



金太白出以寅戌入以丑未晨出東方二百四十日而一入  
又出西方二百四十日而一入入三十五日而復出

水辰星春見奎婁夏見東井秋見角亢冬見牽牛出以辰戌  
入以丑未晨見候之東方夕見候之西方

土填星常以甲辰元始建斗之歲填行一宿二十八歲而一  
周天

前漢志曰歲星曰東方春木於人五常仁也五事貌也仁虧貌  
失逆春令傷木氣罰見歲星歲星所在國不可伐可以伐人災  
惑曰南方夏火禮也視也視虧視失逆夏令傷火氣罰見熒惑  
太白曰西方秋金義也言也義虧言失逆秋令傷金氣罰凡六  
白辰星曰北方冬水知也聽也知虧聽失逆冬令傷水氣罰見  
辰星填星曰中季夏土信也思心也仁義禮知以信為主貌言

視聽以心為主故四星皆失填星乃為之動

山堂考索按赤道天度也黃道日度也皆以二十八宿配焉班

志二十八宿之度惟南斗東井之度多觜觿輿鬼之度少蓋

二度鬼四度斗二十六度非三十三度也唐一行赤道之度其

井斗之度與漢志同惟觜觿一度輿鬼三度各減於一度耳至

於黃道之度則南斗二十三度東井三十度已與赤道之度不

同較之范志所載黃道銅像斗減二度為二十四度井減二度

為三十度大畧相同是知東漢已前黃道赤道之度混而為一

班志之所紀是也東漢已後始分為二故赤道之度多黃道之

度少范志一行之所紀是也黃道度少赤道度多天行與日月

不同也黃赤道度數多寡者天行與日道相去二十八宿遠近

不同故也一行日度議曰古曆日有常度天周為歲故混其度



於氣節一氣十五度二十四氣則三百六十度餘五度四分一  
度分爲三十二播於二十四氣一氣得十五度七分虛喜乃以  
天爲天以歲爲歲立差以追其變焉觀此則知班志所載猶以  
天周爲歲東漢以來始有黃赤道之異  
堯冬至日在虛一度

月令冬至日在斗

漢文帝三年冬至日在斗二十二度

武帝太初曆冬至日在建星在斗牛之間

東漢四分曆冬至日在斗二十一度

唐大衍曆冬至日在斗十度開元曆名

宋統元曆冬至日在斗二度見上見傳儀畧說統元宋高宗曆名

今授時曆冬至日在箕八度

### 十二次舍圖

東漢郡國志註引帝王世紀黃帝受命始作舟車以濟不通乃  
推分星次以定律度

自斗十一度至婺女七度一名曰星紀之次於辰在丑謂之赤

奮奮若於律爲黃鍾斗建在子今是越分野凡三十

自婺女八度至危十六度曰玄枵之次一名於辰在子謂之困

敦於律爲大呂斗建在丑今齊分野凡二十

自危十七度至奎四度曰豕韋之次一名於辰在亥謂之大淵

獻於律爲大簇斗建在寅今衛分野凡二十

自奎五度至胃六度曰降婁之次於辰在戌謂之闔茂於律爲

夾鍾斗建在卯今魯分野凡二十

自胃七度至畢十一度曰大梁之次於辰在酉謂之作噩於律



為姑洗斗建在辰今趙分野凡三十一度

自畢十二度至東井十五度曰實沈之次於辰在申謂之涿灘

於律為中呂斗建在巳今晉魏分野凡三十一度

自井十六度至柳八度曰鶉首之次於辰在未謂之協洽於律

為蕤賓斗建在午今秦分野凡三十一度

自柳九度至張十七度曰鶉火之次於辰在午謂之敷祥一名大律

於律為林鐘斗建在未今周分野凡三十一度

自張十八度至軫十一度曰鶉尾之次於辰在巳謂之大荒落

於律為夷則斗建在申今楚分野凡三十一度

自軫十二度至氐四度曰壽星之次於辰在辰謂之執徐於律

為南呂斗建在酉今韓分野凡三十一度

自氐五度至尾九度曰大火之次於辰在卯謂之單闕於律

無射斗建在戌今宋分野凡三十一度

自尾十度至斗十度二百三十五分而終曰析木之次於辰在

寅謂之攝提格於律為應鍾斗建在亥今燕分野凡三十一度

日法九百四十故二百三十五分即四分之一

太初諸曆餘分置於斗分

大衍曆餘分置於虛分

凡天有十二次日月之所躔也地有十二分王侯之所國也故

四方方七宿四七二十八宿合一百八十二星

東方蒼龍三十二星七十五度

北方玄武三十五星九十八度四分度之一

西方白虎五十一星八十度

南方朱鳥六十四星百一十二度



周天三百六十五度四分度之一一度二千九百三十二里分  
 為十二次一次三十度三十二分度之十四各以附其七宿間  
 距周天積百七萬九百一十三里徑三十五萬六千九百七十  
 一里

周天二十次日所會之圖



辰謂日月所會  
 建謂斗杓所指  
 周禮太師鄭注陰  
 陽之聲各有合辰  
 與建交錯質處如  
 表裏然  
 今按即子與丑  
 合寅與亥合之  
 類餘見後律下  
 注次度多寡見  
 後中星圖下註



孔穎達曰四方中星即二十八宿布在四方隨天運轉更互在南方諸宿每日昏旦莫不當中中則人皆見之故以中星表宿天子南面而視四方星之中知人緩急故曰敬授人時日月所會與四方中星俱是二十八宿舉其人之所見為星論其日月所會謂之辰星與辰其實一物也

愚按孔疏以二十八宿為星故謂星辰為一然謂之星則五緯亦在其中孔謂敬授人時無取五緯之義則定時成歲皆係於日月所會之辰然以齊七政觀之又豈得舍緯星而獨言經星哉

二十八舍辰次分野之圖

見東坡指掌圖









奎婁胃魯徐州 東海入奎琅邪六度高密入婁城陽九度

膠東入胃

昂畢趙冀州 魏郡入昂鉅鹿三度常山五度廣平七度中

山入昂清河九度信都三度趙郡六度安平四度河間入

度真定三度畢十

背參魏益州 廣漢入背越雋三度蜀郡一度犍為三度梓

物入參巴郡八度漢中九度益州七度

井鬼秦雍州 雲中入井一度襄入井八度雁門六度代入井

度入太原入井九度上黨三度與鬼

柳星張周三輔 洪農入柳河南二度河東一度張河內九度

翼軫楚荊州 南陽入翼南郡十度江夏二度零陵十一

度挂陽六度軫武陵十度長沙六度

四仲圖

羲仲 所居官次之名

隅夷 東表之地 測候之所 春分之日朝方出之日而識

東作 春月歲功方興所當作起之事 林氏曰謂萬

日中 孫氏曰春為陽中故取日 於夏亦冬短

星鳥 南方朱鳥七宿 唐一行推以鶉火為春分昏之中星

民折散處

鳥獸 孳尾氣

孔穎達曰朱鳥七宿在天成象星作鳥形西首東尾以南方之

宿象鳥故言鳥謂朱鳥七宿也春言星鳥總舉七宿以象而言

也

南交 南方交趾之地 測候之所



南訛夏月時物長盛

敬致祠日而識其景

日永書六十刻謂夏至之日也

星火東方蒼龍七宿火謂大火夏至昏之中星此以大火當夏至昏之時正見南方午位蓋以十二次而言也

民因折而又折氣愈熱也

鳥獸毛希而革易也

孔穎達曰東方成龍形南首北尾七宿房在其中房心連體房

心為大火蒼龍之中星舉中則七星可知

西西極之地

昧谷以日所入而名也穎達曰日入之處非實有谷而日入也

納日秋分之莫夕方納之日而識其景也

西成秋月物成之時所當成就之事

宵中於夏冬為適中晝夜亦各五十刻宵者舉夜以見日之孫氏曰秋為陰中故舉宵謂秋分之日也

星虛北方玄武七宿之虛星秋分昏之中星此以虛宿當秋分昏之時正見南方午位蓋以宿而言也

民暑退而氣平

鳥獸毛落更生潤澤鮮好

孔穎達曰北方七宿成龜形西首東尾北方七宿虛為中故虛

為玄武之中星

朔方北方之地朔蘇也萬物至此死而復蘇猶月之晦而有朔也

幽都日淪地中萬象幽暗

朔易冬月歲事已畢除舊更新所當改易之事

日短晝四十刻謂冬至之日也

星昴西方白虎七宿之昴宿冬至昏之中星此以昴宿當冬至初昏之時正見南方午位蓋以宿而言也

民懷氣寒而聚於內



鳥獸生類毛以自溫

孔穎達曰西方七宿成虎形南首北尾西方七宿昂為中故昂為白虎之中星

中星運候

春分以象中

夏至以次中

秋分冬至以宿中

列舍度數見前漢律曆志後律曆志赤道度畧同

四象度數見後律曆志

十二次度數見前漢律曆志并皇甫謐帝王世紀後郡國志引同


中星圖

以堯時冬至日在虛一度為準故與月令已後中星不同

正南  
寬  
昂  
縮  
冬至  
昂  
星  
短  
日  
春分  
日  
在  
寬  
十  
度

卷五十一

四柳日身星



正南  
寬  
昂  
縮  
中宵



以仲春日中星鳥為例故春分朱鳥昏見正午餘可類推



愚按堯典中星仲春日日中星鳥仲夏日日永星火仲秋  
 日宵中星虛仲冬日日短星昴蓋天體蒼蒼無以測其旋  
 運古之聖人乃舉二十八舍推晝夜之所移以分度限一  
 歲而周得三百六十五度四分度之一有奇因列舍之方  
 折而為四象因日月之所會布而為十二次天體於是可  
 推四時於是可正東方七宿曰角亢氐房心尾箕有蒼龍  
 之形北方七宿曰奎婁胃昂畢觜觶參有白虎之形南方  
 七宿曰東井輿鬼柳星張翼軫有朱鳥之形謂之四象自  
 南斗至須女曰星紀須女至危曰玄枵危至奎曰娵訾奎  
 至胃曰降婁胃至畢曰大梁畢至東井曰實沈東井至柳  
 曰鶉首柳至張曰鶉火張至軫曰鶉尾軫至氏曰壽星氏



月令中星之圖



愚按漢志冬至日在斗昏奎中不應月令昏先在壁月令必誤也

至尾曰大火尾至南斗曰析木謂之十二次故經於春曰星鳥者以見四方列舍之有四象之形也於夏曰星火者以見一歲日月所會之有十二次也於秋曰星虛於冬曰星昴者以見象次皆列舍之所分也四時運轉更在南方聖人南面而視隨時考驗知天時之早晚所以授民事之緩急也今以中星所指具為一圖內輪象地不動以定正南之位亦分二十四氣以察四仲所指之星綴日於天正虛一度則為冬至昴宿昏見于午斗杓指子為仲冬之中氣隨時逆轉可以類知然宿度多寡古今作曆者代各不同今姑以漢志赤道為準雖有差變亦存大較若夫課候追考職在術家姑陳其槩以俟夫讀書者有考焉耳



尚書通考卷之一





